

Na osnovu člana 27. stav 1. alineja 6. Zakona o ustanovama („Sl.list R BiH“ broj: 6/92, 8/93 i 13/94 ), i člana 36. stav 1) tačka f) Pravila Javne ustanove Pozorište mladih Sarajevo (broj:90-02-2-1/17 od 12.04.2017. godine), Upravni odbor na 32. sjednici održanoj 12.03.2019. godine donosi:

## **PRAVILNIKA**

### **o načinu prodaje i cijenama ulaznica, iznajmljivanja velike i male scene i utvrđivanja kriterija za dodjelu pozivnica i besplatnih ulaznica**

#### **I OPŠTE ODREDBE**

##### **Član 1.**

Ovim Pravilnikom se definiše visina cijena ulaznica za predstave JU Pozorišta mladih Sarajevo (u daljem tekstu: Pozorište), popust na cijene ulaznica, kriterij za dodjelu besplatnih ulaznica i pozivnica za premijerne i reprizne predstave Pozorišta i cijenovnik za iznajmljivanje prostora velike i male scene Pozorišta.

#### **II ODREDBE O PRODAJI ULAZNICA I CIJENAMA**

##### **Član 2.**

Blok ulaznica za premijerne i reprizne predstave i koncerte sadrži 250 ulaznica. Blokovi su numerisani i svaka ulaznica sadrži serijski broj i pečat Pozorišta. Prodaja ulaznica se vrši na blagajni Pozorišta u vremenu od 10-14 sati i dva sata pred početak predstave na dan održavanja. Cijene ulaznica za predstave koje su produkcija ili koprodukcija Pozorišta su:

	<b>Program</b>	<b>Cijena (KM)</b>
<b>1.</b>	Premijera predstave za odrasle	10-20
<b>2.</b>	Premijera predstave za djecu	10-15
<b>3.</b>	Reprizne predstave za odrasle	8-10
<b>4.</b>	Reprizne predstave za djecu	5-10
<b>5.</b>	Organizovane predstave za srednje škole i studente	4-10
<b>6.</b>	Organizovane predstave za vrtiće i osnovne škole	3-10
<b>7.</b>	Organizovane predstave za grupe preko 20 osoba (redovna prodaja)	4-10
<b>8.</b>	Studentske karte (uz index)	5
<b>9.</b>	Karte za penzionere (uz ček od penzije)	5
<b>10.</b>	Kreativne radionice	10-30
<b>11.</b>	Organizovani programi za djecu	5-30

##### **Član 3.**

Minimalan broj za organizovanje predstave van redovnog mjesečnog repertoara je 120 osoba.

##### **Član 4.**

Cijenovnik za iznajmljivanje prostora velike i male scene Pozorišta (napomena: u cijenu su uračunati prateći prostori- foaje pozorišta, radna soba, četiri glumačke garderobe, toaleti, sva tehnička oprema kojom raspolaže pozorište -svjetlo, ton, video- i materijal za higijenu u toaletima) je:

## VELIKA SCENA

period	kapacitet	scena	cijena do šest sati	cijena za jedan dan	cijena za dva i više dana
15.10-15.04	250 mjesta	cca.100 m2	800 KM	1600 KM	1200 KM
15.04-15.10	250 mjesta	cca.100 m2	600 KM	1200 KM	800 KM

## MALA SCENA

period	kapacitet	scena	cijena do šest sati	cijena za jedan dan	cijena za dva i više dana
15.10-15.04	70 mjesta	cca. 20 m2	300 KM	400 KM	250 KM
15.04-15.10	70 mjesta	cca. 20 m2	250 KM	300 KM	200 KM

Za postupak iznajmljivanja sale, u skladu sa Pravilnikom o cijenama, Cjenovnikom oglašavanja i prema usvojenom formatu Zahtjeva za najam, za administrativno-tehničku proceduru iznajmljivanja svih prostora Pozorišta odgovoran i zadužen je tehnički rukovodilac.

Prilikom iznajmljivanja sale obavezno je prisustvo stalno zaposlenih po Pravilniku o o unutrašnjoj organizaciji i sistematizaciji poslova i radnih zadataka u JU „Pozorište mladih Sarajevo“ koji rukovode opremom tona, svjetla kao i scenska tehnika.

Opremom mogu rukovati isključivo stručna lica koja su stalno zaposlena u Pozorištu mladih Sarajevo.

U cijenu iznajmljivanja sale nije uključeno rukovanje opremom koja je sastavni dio scene.

Tehnički direktor je isključivo zadužen za pregovore koji se odnose na iznajmljivanje sale i opreme.

### Član 5.

Direktor Pozorišta pojedinačnom odlukom može cijenu karata utvrditi na drugačiji način (veću cijenu), a u zavisnosti od produkcijske i tehničke kompleksnosti izvođenja predstave.

Direktor Pozorišta može odobriti posebnu cijenu (nižu od usvojene) za iznajmljivanja prostora velike i male scene u za potrebe humanitarnih akcija, edukativnih projekata, projekata značajnih za kulturu, socijalno ugroženim kategorijama, ustanovama i udruženjima čija je djelatnost rad sa osobama sa poteškoćama u razvoju.

Direktor Pozorišta mladih Sarajevo može izdati salu bez naknade ukoliko procijeni da je to svrsishodno u promotivnom interesu Pozorišta mladih Sarajevo ili da izdavanje sale bez naknade ima širi značaj za kulturu i edukaciju, te predstavljanje domaće kulture na internacionalnom planu, podizanje kvaliteta kulturne industrije i produkcije, umjetničkog kvaliteta od šireg značaja za domaću i internacionalnu kulturnu baštinu i savremene tokove, promociju i podršku mladih kreativnih projekata iz oblasti kulture i vizuelno-izvođačkih umjetnosti.

Ukoliko je izvođenje predstava sa repertoara Pozorišta mladih Sarajevo humanitarnog karaktera, direktor može donijeti odluku da se sav prihod ostvaren od prodatih ulaznica preusmjeri za realizaciju humanitarne akcije.

Direktor Pozorišta mladih može izdati salu bez naknade ukoliko ocjeni da se radi o komercijalnom projektu u kojem se očekuje tolika posjećenost da Pozorište mladih Sarajevo od prodaje karata može doći do odgovarajuće zarade.

## III ODREDBE O KRITERIJIMA DODJELE BESPLATNIH ULAZNICA

### Član 6.

Određeni broj ulaznica iz bloka ulaznica može se dijeliti besplatno.

### Član 7.

Ukupan broj besplatnih ulaznica u pravilu iznosi do 10 % od ukupnog broja ulaznica za predstave sa repriznog repertoara.

### Član 8.

O potrebi i razlozima za dodjelu dodatnog broja besplatnih ulaznica odluku donosi direktor Pozorišta.

#### Član 9.

Besplatne ulaznice se mogu dodijeliti u sljedećim slučajevima:

- osobama sa pozivnicama Pozorišta,
- uposlenicima Pozorišta,
- spoljnim saradnicima,
- autorima-učesnicima premijernih predstava,
- učenicima osnovnih i srednjih škola,
- studentima akademija i fakulteta,
- medijskim i poslovnim partnerima,
- u drugim slučajevima kada je to u interesu Pozorišta.

#### IV ODREDBE O POZIVNICAMA I ULAZNICAMA ZA PREMIJERNE PREDSTAVE

##### Član 10.

Za premijerne predstave Pozorišta uobičajno je da se šalju pozivnice i na osnovu potvrđenog odgovora izdvajaju se po 2 (dvije) besplatne ulaznice za svaku pozivnicu.

Kome će se uputiti pozivnice i dodijeliti besplatne ulaznice odlukom određuje direktor Pozorišta.

##### Član 11.

Broj pozivnica i besplatnih ulaznica za premijerne predstave može biti veći od utvrđenog broja u članu 6. ovog Pravilnika, ali ne može biti veći od 100, o čemu odluku donosi direktor Pozorišta.

##### Član 12.

Direktor može odlučiti da se za pojedine predstave dodjeljuju samo pozivnice.

#### V ODREDBE O PRODAJI ULAZNICA LICIMA SA POSEBNIM POTREBAMA

##### Član 13.

Ovim Pravilnikom utvrđuje se i način prodaje ulaznica za sjedišta koja su preporučena za gluhe osobe i osobe u kolicima.

Mjesta pristupačna invalidskim kolicima se nalaze u I, II i III redu, dok se mjesta preporučena za gluhe i nagluhe osobe nalaze u XI i XII redu Velike sale Pozorišta.

Ulaznice za sjedišta koja su preporučena za gluhe osobe i osobe u kolicima neće se prodavati 24 sata prije početka predstave.

#### VI PRIJELAZNE I ZAVRŠNE ODREDBE

##### Član 14.

Ova Pravila stupaju na snagu danom donošenja od strane Upravnog odbora JU Pozorište mladih Sarajevo.

Stupanjem na snagu ovog Pravilnika prestaje da važi Pravilnik o načinu prodaje ulaznica i utvrđivanja kriterija za dodjelu pozivnica i besplatnih ulaznica (broj: 315-01/05, od 29.12.2005. godine), Odluka o izmjenama i dopunama Pravilnika o načinu prodaje i cijenama ulaznica, iznajmljivanja velike i male scene i utvrđivanja kriterija za dodjelu pozivnica i besplatnih ulaznica (broj:399-01-2/17 od 12.12.2017. godine), Odluka o izmjenama i dopunama Pravilnika o načinu prodaje i cijenama ulaznica, iznajmljivanja velike i male scene i utvrđivanja kriterija za dodjelu ulaznica (broj:399-01-2/17 od 12.12.2017. godine), Odluka o III. izmjenama i dopunama Pravilnika o načinu prodaje i cijenama ulaznica, iznajmljivanja velike i male scene i utvrđivanja kriterija za dodjelu ulaznica (broj:399-01-2/17 od 12.12.2017. godine), Odluka o IV. izmjenama i dopunama Pravilnika o načinu prodaje i cijenama ulaznica, iznajmljivanja velike i male scene i utvrđivanja kriterija za dodjelu ulaznica broj:399-01-2/17 od 12.12.2017. godine.

##### Član 15.

Tekst Pravilnika će se objaviti na oglasnoj ploči Pozorišta.

Sarajevo: 12.03.2019

Broj: 73-02-4/19

Predsjednica UO:  
Sanela Dumanjić

